

七十二家集

梁元帝御製集卷之九

梁世祖孝元皇帝蕭繹著

論

全德志論

物我俱忘無貶廊廟之器動寂同遣何累經綸
之才雖坐三槐不妨家有三徑接五侯不妨門
垂五柳但使良園廣宅面水帶山饒甘果而足
花卉葆筠篁而玩魚鳥九月肅霜時饗田畯三
春捧觴乍酬蠶妾酌升酒而歌南山烹羔豚而

擊西缶或出或處益以全身爲貴優之游之咸
以忘懷自逸若此衆君子可謂得之矣

鄭衆論

漢世銜命匈奴而不辱者二人而已子卿手持漢節卧伏冰霜仲師固無下拜隔絕水火况復風生稽落日隱龍堆翰海飛沙皐蘭走雪豈不酸鼻痛心憶維陽之宮陞屑泣橫悲想長安之城闕直以爲臣之道義不爲生事君之節生爲義盡豈望拔幽泉出重仞經長樂抵未央及還望塞亭來依候火傍觀上郡側眺雲中雖在已之願自隆而於時之報未盡

碑

皇太子講學碑

皇太子洊雷種德重離作兩業冠孟侯道高上
嗣宮牆累仞高山仰止承華之闕更似通德之
門博望之園反類華陰之市家丞庶子並入四
科洗馬後車俱通六學轉金路而下辟雍晬玉
裕而經槐市詳其懸鏡高堂衢樽待酌瞻後忽
前博文約禮將使東極長男之宮不獨銘於銀
榜南皮太子之序豈徒擅於金碑

陶隱居朱陽館碑

昔太和中，有許遠遊者，乃雲霄之勝友，太虛之
選客。先生規同矩合，實踵高步，曩基先構，卽駕
胥宇，千尋危聳，憑牖以望，奔星百拱，高懸倚櫺。
而觀朝日飛流，界道似天，漢之橫波，觸石起雲。
若奇峰之出岫，銘曰：

肇彼冥默，翻成協贊，身託外臣，心有亂重，道
尊德爰，積勳衷顧，懷汾射璽，問遙通朱陽，鬱起
華構，方崇靜臺，冠月輕榭，迎風嚆噓，高棟杳靄。

梁元帝集

卷九

四

修櫳極望山川周觀京陸碧嶂千嶺清流萬谷
景落崖重烟生岫複

善覺寺碑

金盤上疏非求承露玉舄前臨寧資潤礎飛軒
絳屏若丹氣之爲霞綺井綠泉如青雲之入景
寶繩交映無慙紫紉之宮花臺照日有跡白林
之地銘曰

率遵勝業代彼天工四園枝翠八水池紅花疑
鳳翼殿若龍宮銀城映沼金鈴響風露臺含月
珠幡拂空

曠野寺碑

雲楣膠葛桂棟陰崇刻虬龍於洞房倒蓮花於
綺井月殿朗而相暉雪宮穆以華壯轆轤璇題
虹梁生於暮雨璫璫銀榜飛觀入乎雲中銘曰
圓璫旦暉方諸夜朗金盤曜色寶鈴成響

郢州晉安寺碑

鳳皇之嶺芊綿映色蓮花之洞照曜增暉山云
黃鶴疑鈞天之夜響城稱却月似輕雲之霄蔽
銘曰

虹梁紫柱螭楠丹牆綺井飛棟華榱璧璫應龍
若動威鳳疑翔玉鳥霄潤金池夕光朱城却稅
紫陌潛通塹柳朝綠江暉暝紅落霞將暮鮮雲
夕布峯下陽烏林生陰兔分珮隔浦皇檣隱霧
俱聽法鐘同觀寶聚

歸來寺碑

幡影颺於絳臺梵聲依於應塔三相不畱蕭蠶
終壤八苦遐長燈蛾未已銘曰

鈴隨風振盤依露泫丹桂無枝朱楊自翦九苑
萌枯三昧葉卷疏樹榰落翻流清淺

鍾山飛流寺碑

清梵夜聞風傳百常之觀寶鈴朝響聲揚千秋
之宮同符上隴望長安之城闕有類偃師瞻洛
陽之臺殿瞰連薨而如綺雜卉木而成帷銘曰
雲聚峯高風清鐘徹月如秋扇花疑春雪極目
千里平原邈迤

攝山栖霞寺碑

金池無底已通寶壑之側玉樹生風傍臨綵船
之上七重欄楯七寶蓮花通風承露含香映日
銘曰

苔依翠屋樹隱丹楹澗浮山影山傳澗聲風來
露歇日度霞輕三災不毀得一而貞

玄圃牛渚磯碑

竊以增城九重僊林八樹未有船如鴈鶴時度
宓妃橋似牽牛能分織女丹鳳爲羣紫芝成列
清風韻響卽代僊歌桂影浮池仍爲月浦銘曰
璧月朝暉金樓啓扉畫船向浦錦纜牽磯花飛
拂袖荷香入衣山林朝市併覺忘歸

廬山碑

夫日月麗天皇穹所以貞觀川嶽帶地后土所以維寧廬山者亦南國之德鎮雖林石異勢而雲霞共色長風夜作則萬流俱響晨飈曉吟則百嶺齊應東瞻洪井識曳帛之在茲西望石梁見精寶之可拾誠復慕類易悲山中難久攀蘿結桂多見淹留

荊州長沙寺阿育王像碑

蓋聞璇璣玉衡寄昊所以紀物金版玉文淳精
所以播氣何則咸秩社首義盡於寰中鑄鼎馮
翊未窮於系表况復道冠萬靈理超千聖智周
十地行圓四等變海成酥移山入芥針鋒廣說
藕絲見道惠音八種而門五色組鉢生華入青
樓而吐曜金牀照采出紫殿而相輝纔度蓮河
卽處天冠之寺始遊羅衛便居堅固之林斯蓋
俯應閭浮未臻常樂降情誘接豈窮妄相諾乃

境無引汲智生淺深明同一體惑起十重七地
初乃方稱變易三達後心因窮智種然俱冥四
德脫疑雙林示表金棺現焚檀檟浩浩焉不可
知已却望五津距青蓮之洞傍臨三天帶明月
之流

衡山九貞館碑

簫鼓騰空煙霞相接星辰奪采燈燭非明風牖
雲梁千門萬戶樓施九柱已同瀨鄉之地山帶
五城復類玄洲之所玉版之經猶蘊金丹之處
存焉上月臺而遺憂登景雲而忘老欣欣然不
知所以而然日暉石瓦東眺靈壽之峰月蔭玉
牀西瞻華蓋之嶺竹類黃金旣葳蕤而防露不
似紅蓮且芬披而拂日杯傳九醞隱淪之車晨
至堂開四扇西楹之鐘夜響

青谿山館碑

原夫法象莫過於天地著明莫過於日月鼓之以雷電潤之以風雨咸秩無文所以名山致祭峻極於天青谿山者荆南之中岳也隱隱于霄亭亭無際雲蓋三層如在帝臺之側桂林八樹非異景山之傍輕霞旦起影落照於陽谿清風遠至嚮猿鳴於巫峽西臨百丈之穴南帶千仞之水洪源湛淡長波縈復

揚州梁安寺碑

竊以陽之有宗者莫擬於靈烏夜之有光者孰
踰於陰兔故以日門見羲和之色月殿望奔娥
之象而合璧迢迢丈尺猶且莫量朗鏡悠遠積
空之所不算復有紫鳳青龍之水却月朝霞之
山白珪玄璧餞瑤池之上銀闕金宮出瀛洲之
下空臺四柱隨仙衣而俱颺寶壑三重映瑞園
而涵影旃檀散馥無復圓覺之風地湧神龕皆
成多寶之塔

荆州放生亭碑

魚從流水本在桃花之源龍處大林恒驗浮雲
之路豈謂陵陽垂釣失雲失水莊子懸竿吞鉤
之餌雖復玄龜夜夢終見取於宋王朱鷺晨飛
之網張羅於漢后譬如黃雀伺蟬不知隨彈應至
青鷗逐兎詎識扛鼎方前北海之食鸚鵡未始
非人西王之使傳信誰云賤鳥故知魚鳥一觀
俱在好生欲使金牀之鴈更及衡陽之侶雪山
之鹿不克食苹之宴

莊嚴寺僧旻法師碑

夫宏才妙物雲液之所降生獨振孤標倫類之所遠絕是故隨光燭魏非析水之恒珍和璧入秦豈潤山之常寶僧旻法師蓋天地之淳精宇宙之瓊器本姓孫氏有吳開國大皇帝其先也法師道藹二儀德克四海含春夏之生長抱日月之貞明辭旨清新置言閑遠千門萬戶必臻其奧九部五時若指諸掌坦然夷易豁爾洞開故緇素結轍華戎延道晨風之鬱比林龍魚之

趨深澤哲人云逝指南誰屬銘曰

永離百非聞之寂滅苟云未樹共歸今轍方墳
結構伽藍罷設朱火一潛青松長列

光宅寺僧正法師碑

昂昂千里孰辨騏驎之蹤汪汪萬頃誰識波瀾
之際望之若披雲霧覩之如觀日月至乃耆年
宿望蓄思構疑懸鐘無盡短兵有倦猶若分日
望景復氷待日莫不傾河注燭虛往實歸皇旒
革命受圖補天紉地轉金輪於忍土策紆馬於
閭浮逸翮方超圖南輟軌豈直盡茲相府著彼
義年方當高步仙階永編金牒繁霜凝而旦露
松風淒而暮來悲馬鳴之不及望龍樹而心哀

銘曰

澄月夜虧清氣旦卷曾巒遠岸蒼江傍緬

梁元帝御製集卷之十

梁世祖孝元皇帝蕭繹著

銘

漏刻銘

玉衡稱物金壺博施司南司火未符茲義帝曰
欽哉納隍斯譬實惟簡在窮神體智宮槐晚合
月桂宵暉清臺莫爽解谷胥依七分六日五祀
三微事齊幽贊乃會通幾碧海有乾絳川猶竭
飛流五色涓涓靡絕龍首旁注仙衣俯裂箭不

停咎聲無暫輟用天之貞分地之平如絃斯直
如渭斯清

梁安寺剎下銘

有序

阿閣危羅洞房窈窕似靈光之金扇類景福之
銀鋪垂琬琰之文璫飾琅玕之仙寶神童戾止
亟連翩於威鳳薩埵來遊屢徘徊於紺馬有識
之所虔仰無著之所招提觀慧樓而下拜望天
街而興善辭曰

塵沙無始造色無先飛蛾不息縈蠶自纏篋蛇
未斷藤鼠方緣苦流長汎愛火恒燃髻珠就曉
懷寶詎宣挺茲靈覺時惟天仙真籍表聖化乳

稱權寶刹千道高旛四懸鳳樓含日龍臺吐煙
紫山翠羽紅水青蓮雪宮月殿晨暉夜圓宵長
梵響風遠鐘傳仙衣有拂靈刹無邊

東宮後堂僊山銘

太華削成本擅奇聲峰如雪委嶺若蓮生雲除
紫蓋霞通赤城金壇是籙玉記題名鳳依桐樹
鶴聽琴聲殿接南箕橋連北斗秋河從帶春禽
銜綬朱鳥安窓青龍作牖

香鑪銘

蘇合氤氲非煙若雲時穠更薄乍聚還分火微
難盡風長易明恍云道力慈悲所薰

贊

職貢圖贊

比通玄兎南漸朱鷺交河悠遠合浦廻遰茲海
無際陰山接天遐哉鳥穴永矣雞田

證議

高祖武皇帝謚議

臣聞翼善傳聖曰堯仁聖盛明曰舜受禪成功
曰禹除虐去殘曰湯謚者行之跡號者功之表
雖賤不誅貴卑不誅尊而彰乎名者盛德之嘉
號也被於物者治定之實錄也斯所以聲明煥
乎鍾石昭晰備於絃管者焉伏惟天縱欽明惟
睿作聖功超三五聲踰七十仰之彌高就之彌
遠載潛載躍乃武乃文先是木運告終羣后改

屬乾維罔構地紐如崩祀祀貼危公卿肝食九
牧有淪胥之悲八表興橫流之歎乃凝威黑水
表瑞丹陵雲合景從表裏禔福受終文祖允恭
克讓知默首不可以無歸蒼生不可以無主降
汾陽之遠志不得已而臨之於是類帝禋宗革
命創制禘郊式展殷薦斯絜臨茲大寶化與和
氣俱宣扇此王風政與秋霜並肅言懸日月功
格區宇不以紫宸爲貴不以黃屋爲尊政謐刑
措民殷國阜虹旌式卷堡燧載清胥象相因環

枯無曠天衢亨泰王道升平南海候風東溟奉
貢膏露凝枝慶雲觸石山開蒼壁地出玄珪驃
騎把鉞則休屠款塞太尉抗旌則名王蹙角聲
教所漸浹靈虵之都威令所行通燭龍之外開
庠建序布濩於成均正俗移風氛氲於司樂虛
納十亂引諒直之規廣闢四門弘招賢之德青
衿知擊壤之性黃髮恣鼓腹之歡加以鑽味微
言研精至道文終所牧之典史倚所讀之書無
輟萬機日且千遍馳郁郁之聲表乾乾之德允

所謂皇哉君哉日用而不知者矣方且告成岱
嶽鏤升中之玉簡昭事梁甫秘禮首之金繩而
文王明夷事侔往冊黃帝橋山痛深前典萬有
淪傷三辰掩曜人祇軫慕山海含悲慟切陟方
哀深遏密煩寃荼毒貫切心髓風樹不靜陟岵
何期思所以欽若九功仰稽七德

墓誌銘

中書令庾肩吾墓誌

荆山萬重地產卞和之玉隋流千仞水出靈蛇
之珠故能胤茲屈景育斯唐宋掌庾命族世濟
琳瑯遂昌開國蟬聯冠冕父易高尚其道肥遁
貞吉關吏早逢夙表真人之氣少微晚映還彰
隱士之星肩吾氣識淹通風神閒逸鐘鼓辭林
笙簧文苑入爲度支尚書任同北斗錫韓稜之
劍朝比南宮識鄭崇之履余以其爲人也瑚璉

之器無慚垂棘杞梓之材有均廊廟故贈散騎
常侍蓋旌賢也

侍中吳平光公集誌

惟茲降神表山甫之德敬如君所顯成季之徵
潔靜精微岐嶷天挺學兼義府談均理窟歷太
子洗馬八人掌籍爲崇賢之領袖五日來朝冠
承華之楷模遷豫章內史法并鸞峰甘露歲下
蕭崖鶴嶺連理成陰徵爲太子左衛率遘疾薨
于道頗類陶基民號燕北取譬羊祜巷哭荆南
副君早垂隆眄憫其石火瞻斯翠蓋忽變丹旒
方使桓侯石椁載銘盛夏滕令佳城武鑄韶濩

侍中新渝侯墓銘

爰始降神誕茲初載方琮有燭圓珠無類義若
聯環文同藻繪三分竹使再徙建旗朱帷自舉
白鹿隨車武實威邊文能懷遠年歌去速時謚
來晚昔我往矣千駟連輜今茲旋旆雙鴈隨舟
山廻素旄水導丹旒寂寥原野摧落徂秋

特進蕭琛墓銘

山東流水關西成市義府辭鋒風飛雲起遊楚
宦梁桂馥蘭芳蓮花可賦迷迭成章學類五行
書倖三篋已研金匱兼探玉牒石詞旣擬樂社
茲同桃李成徑松栢爲叢天地長久永扇高風

太常卿陸倕墓銘

如金有鑛如竹有筠體二方擬知十可鄰兩升
鳳沼三侍龍樓南皮朝宴西園夜遊詞峯飈豎
逸氣雲浮日往月來暑流寒襲東耀方遠北芒
已及墜露曉團悲風暮急

散騎常侍裴子野墓銘

幾原轉聞裁爲典墳比良班馬等麗卿雲薰蕕
旣別涇渭以分聖皇御極欽賢肝顧儲后將聖
降情文苑旣匹嚴朱復同徐阮如何不憇卜期
不遠

黃門侍郎劉彥綽墓銘

蔡墨攸陳有草有茵梁荆世積或魏或秦積善
餘慶時推俊民孝乎惟彥其德有隣曰風曰雅
文章動神鶴開阮瑀鵬翥楊循身茲惟屈扶搖
未申人問石火山有楸椿佳城無曙寒野方春

庾承先墓銘

悠哉掌庾興自陶唐伯舅居晉連鑣渭陽爰斯
厥後世挺珪璋乃登靈岳言遵洞府乃涉名山
將從輕舉實惟貞吉實惟退讓皎皎不羣超超
高尚本同壽夭寧論得喪諸方未遊佳城已望
蓬生蔣徑釣罷磻谿積悲新壠桃餘故蹊風翻
嶺背月下松西揚名不朽高蹈夷齊

祭文

釋奠祭孔子文

粵若宗師猗歟乃聖惟岳降神惟天所命上善
如水至人若鏡

祭顏子文

欽哉體一亞彼至人乍分介石時知落鱗不先
稱寶席上爲珍致虛守靜曲巷安貧欽風味道
其德有隣

祭東耕文

三農九穀爲政所先萬箱億更是曰民天繫稱
斲耜書美厥田花開杏樹瘳解新泉當使黍稷
莫莫民翳胥樂甘雨祈祈遂及我私我私之熟
表裏禔福福中田歲取十千是薦是袞登頌
有年

附錄

世祖本紀畧

唐姚思廉

世祖聰悟俊朗天才英發年五歲高祖問汝讀何書對曰能誦曲禮高祖曰汝試言之卽誦上篇左右莫不驚歎初生患眼高祖自下意治之遂盲一目彌加愍愛旣長好學博總群書下筆成章出言爲論才辯敏速冠絕一時高祖嘗問曰孫策昔在江東于時年幾荅曰十七高祖曰正是汝年賀革爲府諮議勅革講三禮世祖性

不好聲色頗有高名與裴子野劉顯蕭子雲張
纘及當時才秀爲布衣之交著述辭章多行於
世在尋陽夢人曰天下將亂王必維之又背生
黑子巫媼見曰此大貴兆當不可言初賀革西
上意甚不悅過別御史中丞江革以情告之革
曰吾嘗夢主上遍見諸子至湘東王手脫帽授
之此人後必當壁卿其行乎革從之及太清之
難乃能克復故遐邇樂推遂膺寶命矣所著孝
德傳三十卷忠臣傳二十卷丹陽尹傳十卷注

漢書一百一十五卷周易講疏十卷內典博要
一百卷連山三十卷洞林三卷玉韜十卷補闕
子十卷老子講疏四卷全德志懷舊志江州記
貢職圖古今同姓名錄一卷筮經十二卷式贊
三卷文集五十卷

史臣曰梁季之禍巨寇憑壘世祖時位長連率
有全楚之資應身率群后枕戈先路虛張外援
事興勤王在於行師曾非百舍後方殲夷大憝
用寧宗社握圖南面光啓中興亦世祖雄才英

畧紹茲寶運者也而稟性猜忌不隔疎近御下
無術履冰弗懼故鳳闕伺晨之功火無內照之
美以世祖之神睿特達留情政道不怵邪說徙
蹕金陵左隣疆寇將何以作是以天未悔禍蕩
覆斯生悲夫

世祖本紀畧

唐李延壽

帝聰悟俊朗天才英發出言爲論音響若鐘年五六歲武帝嘗問所讀書對曰能誦曲禮武帝使誦之卽誦上篇左右莫不驚歎初生患眼醫療必增武帝自下意療之遂盲一目乃憶先夢彌加愍愛及長好學博極群書武帝嘗問曰孫策在江東于時年幾荅曰十七武帝曰正是汝年帝性不好聲色頗慕高名爲荊州刺史起州學宣尼廟嘗置儒林參軍一人勸學從事二人

生三十人加廩餼帝工書善畫自圖宣尼像爲之贊而書之時人謂之三絕與裴子野劉顯蕭子雲張纘及當時才秀爲布衣交常自比諸葛亮桓溫惟纘許焉性好矯飾多猜忌於名無所假人微有勝已者必加毀害帝姑義興昭長公主子王銓兄弟八九人有盛名帝妬害其美遂收寵姬王氏兄王珣名琳以同其父名忌劉之遴學使人鳩之如此者甚衆雖骨肉亦徧被其禍始居文宣太后憂依丁蘭作木母及武帝崩

秘喪逾年乃發凶問方刻檀爲像置于百福殿
內事之甚謹朝夕進蔬食動靜必啓聞迹其虛
矯如此性愛書籍旣患目多不自執卷置讀書
左右番次上直晝夜爲常畧無休已雖睡卷猶
不釋五人各伺一更恒致達曉常眠熟大鼾左
右有睡讀失次第或偷卷度紙帝必驚覺更令
追讀加以櫜楚雖戎畧殷湊機務繁多軍書羽
檄文章詔誥點毫便就殆不游手常曰我韜於
文士愧於武夫論者以爲得言始在潯陽夢人

曰天下將亂王必維之又背生黑子巫媼見曰
此大貴不可言初武帝勅賀革爲帝府諮議使
講三禮革西上意甚不悅過別御史中丞江革
江革告之曰吾嘗夢主上徧見諸子至湘東王
脫帽授之此人後必當璧卿其行乎革領之及
太清之禍遂膺歸運自侯景之難州郡大半入
魏自巴陵以下至建康緣以長江爲限荊州界
北盡武寧西拒峽口自嶺以南復爲蕭勃所據
文軌所同千里而近人戶著籍不盈三萬中興

之盛盡於是矣武陵之平議者欲因其舟艦遷
都建鄴宗懷黃羅漢皆楚人不願移帝及胡僧
祐亦俱未欲動僕射王褒左戶尚書周弘正駁
言卽楚非便宗懷及御史大夫劉懿以爲建鄴
王氣已盡且渚宮洲已滿百於是乃留尋而歲
星在井熒惑守心帝觀之慨然而謂朝臣文武
曰吾觀玄象將恐有賊但吉凶在我運數由天
避之何益及魏軍逼閤人朱買臣按劍進曰惟
有斬宗懷黃羅漢可以謝天下帝曰曩實吾意

宗黃何罪二人退入於人中及魏人燒柵買臣
謝荅仁勸帝乘暗潰圍出就任約帝素不便馳
馬曰事必無成徒增辱耳荅仁又求自扶帝以
問僕射王褒褒曰荅仁侯景之黨豈是可信成
彼之勲不如降也乃聚圖書十餘萬卷盡燒之
荅仁又請守子城收兵可得五千人帝然之卽
授城內大都督以帝鼓吹給之配以公主旣而
又召王褒謀之荅仁請入不得歐血而去遂使
皇太子王褒出質請降有頃黃門郎裴政犯門

晉惠帝乘白馬素衣出東門拙劍擊闔曰蕭世
誠一至此乎魏師至凡二十八日徵兵四方未
至而城見剋在幽逼求酒飲之製詩四絕梁王
咎遣尚書傳準監行刑帝謂之曰卿幸爲我宣
行準捧詩流淚不能禁進土囊而殞之梁王咎
使以布帔纏屍斂以蒲席束以白茅以車一乘
葬于津陽門外愍懷太子元良及始安王方畧
等皆見害徐世譜任約自馬頭走巴陵約後降
于齊將軍裴畿畿弟機並被害謝荅仁三人相

抱俱見屠汝南王大封尚書左僕射王褒以下
並爲俘以歸長安乃選百姓男女數萬口分爲
奴婢小弱者皆殺之帝於伎術無所不該嘗不
得南信筮之遇剝之艮曰南信已至今當遣左
右季心往看果如所說賓客咸歎其妙凡所占
決皆然初從劉景受相術因訊以年荅曰未至
五十當有小厄禳之可免帝自勉曰苟有期會
禳之何益及是四十七矣特多禁忌牆壁崩倒
屋宇傾頽年月不便終不修改庭草蕪沒令鞭

去之其慎護如此著孝德傳忠臣傳各三十卷
丹陽尹傳十卷注漢書一百十五卷周易講疏
十卷內典博要百卷連山三十卷詞林三卷玉
韜金樓子補闕子各十卷老子講疏四卷懷舊
傳二卷古今全德志荆南地記貢職圖古今同
姓名錄一卷筮經十二卷式贊三卷文集五十
卷初承聖二年三月有二龍自南郡城西升天
百姓聚觀五采分明江陵故老竊相泣曰昔年
龍出建康淮西天下大亂今復有焉禍至無日

矣帝聞而惡之踰年而遘禍又江陵先有九十
九洲古老相承云洲滿百當出天子桓玄之爲
荊州刺史內懷篡逆之心乃遣鑿破一洲以應
百數隨而崩散竟無所成宋文帝爲宜都王在
藩一洲自立俄而文帝纂統後遇元凶之禍此
洲還沒太清末枝江楊之閣浦復生一洲群公
上疏稱慶明年而帝卽位承聖末其洲與大岸
相連惟此十九云

和武帝夢眇目僧執香爐稱託生王宮既而帝
母在采女次侍始褰戶幔有風回裾武帝意感
幸之采女夢月墜懷中遂孕天監七年八月丁
巳生帝舉室中非常香有紫胞之異武帝奇之
因賜采女姓阮進爲脩容

又

臺賊不守長史王冲等請帝爲太尉都督中外
諸軍事承制主盟帝不許曰吾於天下不賤寧
侯都督之名帝子之尊何藉上台之重議諸司

斬投筆流淚

又

主衣庫見黑蛇長丈許數十小蛇隨之舉頭高
丈餘南望俄失所在帝又與宮人幸玄洲苑復
見大蛇盤屈於前群小蛇遶之並黑色帝惡之
宮人曰此非牀也恐是錢龍帝勅所司卽日取
數千萬錢鎮於蛇處以厭之因設法會赦囚徒
振窮乏退居栖心省又有蛇從屋墮落帝帽上
忽然便失又龍光殿上所御肩輿復見小蛇縈

屠與中以頭駕夾膝前金龍頭上見人走去逐之不及城濠中龍騰出煥爛五色竦躍入雲六七小龍相隨飛去群魚騰躍墜死於陸道龍處爲窟若數百斛圖舊大城上常有紫氣至時稍復清歛

又

先是魏使宇文弼來聘齊使又至江陵帝接仁弼有闕魏相安定公憾焉乙巳使柱國萬紐于謹來攻冬十月丙寅魏軍至襄陽梁王蕭瑒

率衆會之丁卯停講內外戒嚴輿駕出行城柵
大風拔木丙子續講百寮戎服以聽詔徵王僧
辯十一月甲申幸津陽門講武置南北兩城主
帝親觀閱風雨總集部分末交旗幟飄亂帝趣
駕而回無復次序風雨隨息衆竊驚焉乙酉以
領軍胡僧祐爲都督城東城北諸軍事右僕射
張紇爲副左僕射王褒都督城西城南諸軍事
直殿省元景亮爲副丁亥魏軍至柵下丙申徵
廣州刺史王琳入援丁酉大風城內火燒居人

數千家以爲失在婦人斬首尸之是日帝猶賦
詩不廢以胡僧祐爲開府儀同三司庚子信州
刺史徐世譜晉安王司馬任約軍次馬頭岸是
夜有流星墜城中帝援蓍筮之卦成取龜式驗
之因抵于地曰吾若死此下豈非命乎因裂帛
爲書催僧辯曰吾恐死待公可以至矣戊申胡
僧祐朱買臣等出戰買臣敗績辛亥魏軍大攻
帝出阨把門親臨陣督戰僧祐中流矢薨軍敗
及者斬西門守卒以納魏軍帝見執如梁王蕭

營營甚見詰辱他日乃見魏僕射長孫儉譎儉
云埋金千斤於城內欲以相贈儉乃將帝入城
帝因述答相辱狀謂儉曰向聊相譎欲言耳豈
有天子自埋金乎儉乃留帝於主衣庫十二月
丙辰徐世謐任約退戍巴陵辛未魏人戕帝

丹陽尹湘東王善政碑 梁裴子野

皇上建顯號垂鴻名廣大配乎天地光華象乎
日月長駕遠撫橫逸乎都外策鏡區域克塞乎
無垠上冠九垓旁濟八表制禮以告成功作樂
以彰治定福應允臻祥慶符合六府孔脩允宜
咸事於往歲也有司奏以湘東王爲宣惠將軍
丹陽尹旣而下車爲政振民育德循名責實舉
無遺慮若夫據饋累起求賢如不及卑身折節
用人若由己玉帛旅於丘園璧書交乎塗路求

餘論於故府想遺風於舊哲延儒生於東閣命
文學於後車重門洞啓列筵廣置四民總至獄
訟殷集王兼而治之綽有餘裕上弘其禮下悅
其風虐徙實歸人得所至由是百吏仰成具僚
歛衽千里之間有懷必亮躬親勸課賦政授時
辨相物宜務盡地利由是仍歲有秋餘糧栖畝
是以搢紳先生愀然相顧遂造象魏拜而陳之
有詔報曰纖介之善春秋必書吏民歸美難用
抑絕於是二三君子歡得所奏乃擇工良匠追

石名山撰德選辭興事篆刻俾萬代之下知斯
文之在斯銘曰

泮泮禹迹經緯萬方平秩肇定曰若我皇舜包
九域畫野分疆猗歟帝子日就月將疏爵分品
奄有瀟湘君王先啓旣表南國肇允神童翻飛
上德導達玄微優游翰墨行成師範文爲麗則
帝曰爾諸出康庶績勿替敬典大猷允迪我王
顯允洵美且麗夙夜乾乾有隆無替光贊大朝
庇民濟世京邑翼翼永承嘉惠


荅湘東王示忠臣傳牋 梁王 筠

竊以孝實天經忠爲令德百行攸先一心靡忒
昔淮南鴻烈事無的淮沛王通論義止儒術東
平獲譽良爲片言臨淄見稱文辭小道孰若理
冠君親義兼臣子謹當宣示遐邇光揚德音

荅湘東王書

謝幾卿

下官自奉違南浦卷迹東郊望日歸風瞻言佇
立仰尋惠渥陪奉游宴漾桂棹於清池席落英
於曾咀蘭香兼御羽觴競集側聽餘論沐浴玄
流濤波之辯懸河不足譬春藻之辭麗文無以
匹莫不相傾動容服心勝口不覺春日爲遙更
謂脩夜爲促嘉會難常搏雲易遠言念如昨忽
焉素秋恩光不遺善謔遠降因事罷歸豈云栖
匪商官理就一廛田家作苦實符清誨奉

乏金羈之飾無假玉璧爲資徒以老使形疎疾
令心阻沈滯牀簟蕭歷七旬夢幻俄頃憂傷在
念竟知無益思自袪遣尋理滌意卽以任命爲
膏肓學鏡照形骸以交離代萱樹故得仰慕徽
猷永言前哲鬼谷深栖接輿高舉遐名屠肆廢
迹闕市其人緬邈餘流可想若令亡者有知寧
不縈悲玄壤恨隔芳塵如其逝者可作必當照
被光景懽同游豫使夫一介老圃得筵
 虎
心未席去日已疎來侍未孱連劍飛鳧擬非其

類懷私茂德竊用涕零

和湘東王夜夢應令

武陵王紀

昨夜夢君歸賤妾下鳴機懸如意氣薄不著去
時衣故言如夢裡願得鴈書飛

侍宴餞湘東王應令

梁庾肩吾

陳王從遊士高宴入承華金載同連璧雕文類
揀沙落猿時動樹墜雪暫搖花念此離筵促方
愁別路賒

侍宣猷堂宴湘東王應令

梁庾肩吾

陳王驂駕反副后西園遊並命登飛閣列坐對
芳洲桂巖逢暮序菊水值窮秋行逕簫聲發桐
門琴曲愁徒奉文成誦空知思若抽

和劉明府觀湘東王書 梁庾肩吾

陳王擅書府河間富典墳五車方累篋七閣自
連雲松栟芳帙氣栢燠起厨文羽陵青簡出媯
泉綠字分方因接遊聖暫得奉朝聞峯樓霞早
發林殿日先曛洛城復接限歸軒畏後群

奉和湘東王應令二首 梁庾肩吾

春宵

征人別來久年芳復偏
牖燭下夜縫衣春寒偏
著手願及歸飛鴈因書寄高柳

冬曉

隣雞聲已傳愁人竟不眠
月光侵曙後霜明落
曉前縈鬟起照鏡誰恐插花鈿

奉和湘東王應令二首

梁劉孝綽

春宵

春宵猶自長春心非一傷
月帶圓樓影風飄花

樹香誰能對雙燕
暝暝守空牀

冬曉

冬曉風正寒
偏念客衣單
歸粧罷鉛黛
含淚剪綾紈
寄語龍城下
詎知書信難

和湘東王理訟

梁劉孝綽

馮翊亂京兆
廣漢欲兼治
豈若兼邦牧
朱輪褰素帷
淮海封畿地
雜俗良在茲
禁姦擿銖兩
馭黠震豺狸

奉和湘東王應令二首

梁劉孝威

春宵

花開人不歸
節暖衣須變
迴釵挂反環
拭淚繩
春線今夜月輪圓
胡兵必應戰

冬曉

妾家邊洛城
慣識曉鐘聲
鐘聲猶未盡
漢使報
應行天寒
碗冰凍
心悲書不成

雜詠和湘東王二首

梁劉 綏

秋夜

樓上起秋風
絕望秋閨中
燭溜花行滿
香燃燈

欲空徒教兩行淚俱浮粧上紅

冬宵

別後春池異荷盡欲生冰箱中剪刀冷臺上面
脂凝纖腰轉無力寒衣恐不勝

遺事

元帝嘗言年始十二便已好學時又患疥手不得拳熱不得屈閉齋張青幃避蠅獨坐貯山陰酒時復進之以自寬瘞率意讀史日二十卷旣未師受或不解一語要自重之不知厭倦帝子之尊童稚之逸尙能如此

顏氏家訓

元帝常畫聖僧武帝親爲作讚任荊州時畫蕃客入朝圖帝極稱善又畫職貢圖并序外國貢獻之事又遊春苑白麻紙畫鹿圖師利像鸛鶴

陂池芙蓉醺鼎圖並有題印傳於代

太平廣記

湘東王一目耿嘗與劉諒共遊江濱諒曰今日

可謂帝子降於北渚湘東曰卿言目耿耿而愁

予邪

續世說

湘東入援頓兵武城淹留不進蕭賁嘗與王雙

陸食子未卽下賁歛手曰殿下都無下意

續世說

始元帝與簡文相得而與廬陵王少相狎長相

謗帝之臨荊州宮人李桃兒以才慧得進及還

以李氏行續具狀以聞元帝泣訴於簡文簡文

和之不得元帝送李氏還荊州世所謂西歸內
人者卽是二王書問不通

湘東王嘗出軍有人將婦從者王曰才婉李陵
未能先誅女子將非孫武遂欲驅戰婦人徐君
舊曰項藉壯士猶有虞兮之愛紀信成功亦資
婦人之力

梁元帝母阮修容曾失一珠元帝幼吞之謂是
左右所盜乃炙魚眼厭之信宿之間珠便出元

帝尋一目眇

太平廣記

鮑正不爲湘東王所知及爲侯景所焚王聞之

曰忠非紀信利非象齒焚如棄如於是乎得史南

荊州張元始年一百十六歲旅力過人進食不

異湘東王愛奇重異遂留其就史南

梁世莊老周易總謂三玄元帝在江荆間復所

愛習召致學生親爲教授廢寢忘食以夜繼朝

至倦割慈憤輒以講自釋顏氏家訓

集評

世祖聰明特達才藝兼美詩筆之麗罕與爲匹

梁典
總論

簡文烏棲曲妙于用短元帝燕歌行巧于用長

詩
數